

新唐书

儀衛志第十三上

唐書二十三上

唐制天子居曰衙行曰駕皆有衛有嚴羽葆華蓋旌旗罕畢車馬之眾盛矣皆安徐而不譁其人君舉動必以扇出入則撞鍾庭設樂宮道路有鹵簿鼓吹禮官百司必備物而後動蓋所以爲慎重也故慎重則尊嚴尊嚴則肅恭夫儀衛所以尊君而肅臣其聲容文采雖非三代之制至其盛也有足取焉衙凡朝會之仗三衛番上分爲五仗號衙內五衛一曰供奉仗以左右衛爲之二曰親仗以親衛爲之三曰勳仗以勳衛爲之四曰翊仗以翊衛爲之皆服鶡冠緋衫袂五曰散手仗以親勳翊衛爲之服緋紇襴襠繡野馬皆帶刀捉仗列坐于東西廊下每月以四十六人立內廊閣外號曰內仗以左右金吾將軍當上中郎將一人押之有押官有知隊仗官朝堂置左右引駕三衛六十人以左右衛三衛年長彊直能

唐書二十三
糾劾者爲之分五番有引駕仗飛六十六人以仗飛越騎步射爲之分六番每番皆有主帥一人坐日引駕升殿金吾大將軍各一人押之號曰押引駕官中郎將郎將各一人檢校引駕事又有千牛仗以千牛備身備身左右爲之千牛備身冠進德冠服綉褶備身左右服如三衛皆執御刀弓箭升殿列御座左右內外諸門以排道人帶刀捉仗而立號曰立門仗宣政左右門仗內仗皆分三番而立號曰交番仗諸衛有挾門隊長槍隊承天門內則左右衛挾門隊列東西廊下門外則左右驍衛挾門隊列東西廊下長樂永安門內則左右威衛挾門隊列東西廊下門外則左右領軍衛挾門隊列東西廊下嘉德門內則左右武衛挾門隊列東西廊下車駕出皇城則挾門隊皆從長槍隊有漆槍木槍白榦槍樸頭槍每夜第一夔夔諸隊仗佩弓箭胡祿出鋪立廊下按稍張弓捻箭

鼓弩第二夔夔後擊鍾訖持更者舉稍鍾聲絕則解仗一點持更人按稍持弓者穩箭唱號諸衛仗隊皆分更行探宿衛門閤仗隊鍪甲叢環左襜餘仗隊唯持更人叢一具供奉散手仗亦持更叢甲每朝第一夔夔訖持更稍皆舉張弓者攝箭收弩立門隊及諸隊仗皆立于廊下第二夔夔聲絕按稍弛弓收鋪諸門挾門隊立于階下復一刻立門仗皆復舊內外仗隊立于階下元日冬至大朝會宴見蕃國王則供奉仗散手仗立于殿上黃麾仗樂縣五路五副路屬車輿輦繖二翰一陳于庭扇一百五十有六三衛三百人執之陳于兩廂黃麾仗左右廂各十二部十二行第一行長戟六色夔領軍衛赤夔威衛青夔黑夔武衛驚夔驍衛白夔左右衛黃夔黃地雲花襖冒第二行儀鎧五色旛赤地雲花襖冒第三行大稍小孔雀夔黑地雲花襖冒第四行小戟刀楯白地雲花襖冒

第五行短戟大五色鸚鵡毛氅青地雲花襖冒第六行細射弓箭
赤地四色雲花襖冒第七行小稍小五色鸚鵡毛氅黃地雲花襖
冒第八行金花朱滕絡楯刀赤地雲花襖冒第九行戎雞毛氅黑
地雲花襖冒第十行細射弓箭白地雲花襖冒第十一行大鉞白
旄青地雲花襖冒第十二行金花綠滕絡楯刀赤地四色雲花襖
冒十二行皆有行滕鞢鞢前黃麾仗首左右廂各二部部十二行
行十人左右領軍衛折衝都尉各一人領主帥各十人師子袍冒
次左右廂皆一部部十二行行十人左右威衛果毅都尉各一人
領主帥各十人豹文袍冒次廂各一部部十二行行十人左右武
衛折衝都尉各一人主帥各十人次廂各一部部十二行行十人
左右衛折衝都尉各一人主帥各十人次當御廂各一部部十二
行行十人左右衛果毅都尉各一人主帥各十人次後廂各一部

部十二行行十人左右驍衛折衝都尉各一人主帥各十人次後
廂各二部部十二行行十人左右武衛果毅都尉各一人主帥各
十人次後左右廂各一部部十二行行十人左右威衛折衝都尉
各一人主帥各十人次後左右廂各一部部十二行行十人左右
威衛果毅都尉各一人主帥各十人次後左右廂各一部部十二
行行十人左右領軍衛果毅都尉各一人主帥各十人次盡後左
右廂軍衛主帥各十人護後被師子文袍冒左右領軍衛黃麾仗
首尾廂皆絳引旛二十引前十掩後十廂各獨揭鼓十二重重二
人赤地雲花襖冒行膝鞢鞢居黃麾仗外每黃麾仗一部鼓一左
右衛左右驍衛左右武衛左右威衛將軍各一人大將軍各一人
左右領軍衛大將軍各一人檢校被繡袍次左右衛黃旗仗立于
兩階之次鍔甲弓箭刀楯皆黃隊有主帥以下四十人皆戎服被

大袍二人引旗一人執二人夾二十人執稍餘佩弩弓箭第一麟
旗隊第二角端旗隊第三赤熊旗隊折衝都尉各一人檢校戎服
被大袍佩弓箭橫刀又有夾轂隊廂各六隊隊三十人胡木鑿眊
蜀鎧懸鈴覆膊錦臂鞬白行膝紫帶鞵鞬持攢楯刀廂各折衝都
尉一人果毅都尉二人檢校冠進德冠被紫綃連甲緋繡葵花文
袍第一隊第四隊朱質鑿鎧緋綃第二隊第五隊白質鑿鎧紫綃
第三隊第六隊黑質鑿鎧皁綃次左右驍衛赤旗仗坐于東西廊
下鑿甲弓箭刀楯皆赤主帥以下如左右衛第一鳳旗隊第二飛
黃旗隊折衝都尉各一人檢校第三吉利旗隊第四兕旗隊第五
太平旗隊果毅都尉各一人檢校又有親勳翊衛仗廂各三隊壓
角隊皆有旗一人執二人引二人夾校尉以下翊衛以上三十五
人皆平巾幘緋襖褙大口綃帶橫刀執稍二十人帶弩四人帶弓

箭十一人第一隊鳳旗大將軍各一人主之第二隊飛黃旗將軍各一人主之第三隊吉利旗郎將一人主之次左右武衛白旗仗居驍衛之次鑿甲弓箭刀楯皆白主帥以下如左右衛第一五牛旗隊黃旗居內赤青居左白黑居右各八人執第二飛麟旗隊第三駃騠旗隊第四鸞旗隊果毅都尉各一人檢校第五犀牛旗隊第六駿驤旗隊第七騏驎旗隊第八驪驪旗隊折衝都尉各一人檢校持鉞隊果毅都尉各一人校尉二人檢校前隊執銀裝長刀紫黃綬紛絳引旛一金節十二分左右次罕畢朱雀幢又青龍白虎幢道蓋叉各一白絳引旛以下執者服如黃麾執罕畢及幢者平陵冠朱衣草帶左罕右畢左青龍右白虎稱長一人出則告警服如黃麾鉞戟隊各一百四十四人分左右三行應蹕服如黃麾果毅執青龍等旗將軍各一人檢校旅帥二人執銀裝長刀紫黃

經紛檢校後隊次左右威衛黑旗仗立于階下鍔甲弓箭楯稍皆
黑主帥以下如左右衛第一黃龍負圖旗隊第二黃鹿旗隊第三
騶牙旗隊第四蒼鳥旗隊果毅都尉各一人檢校次左右領軍衛
青旗仗居威衛之次鍔甲弓箭楯稍皆青主帥以下如左右衛第
一應龍旗隊第二玉馬旗隊第三三角獸旗隊果毅都尉各一人
檢校第四白狼旗隊第五龍馬旗隊第六金牛旗隊折衝都尉各
一人檢校又有戈仗步甲隊將軍各一人檢校戈仗左右廂千人
廂別二百五十人執戈二百五十人執叉皆赤地雲花襖冒行滕
鞬韞矢叉以次相間左右領軍衛各一百六十人左右武衛各一
百人左右威衛左右驍衛左右衛各八十人左右廂有主帥三十
八人平巾幘緋襦襠大口袴執儀刀廂有左右衛各三人左右驍
衛左右武衛左右威衛左右領軍衛各四人以主戈仗被豹文袍

冒領軍衛師子文袍步甲隊從左右廂各四十八前後皆二十四
每隊折衝都尉一人主之被繡袍每隊一人戎服大袍帶橫刀執
旗二人引二人夾皆戎服大袍帶弓箭橫刀隊別三十人被甲臂
韞行膝鞬韞每一隊鍪甲覆膊執弓箭一隊胡木鍪及眊蜀鍪覆
膊執刀楯攢相閒第一隊赤質鍪甲赤弓箭折衝都尉各一人主
之執鶚雞旗第二隊赤質鍪鎧赤刀楯攢果毅都尉各一人主之
執豹旗第三隊青質鍪甲青弓箭折衝都尉各一人主之第四隊
青質鍪鎧青刀楯攢果毅都尉各一人主之第五隊黑質鍪甲黑
弓箭左右威衛折衝都尉各一人主之第六隊黑質鍪鎧黑刀楯
攢果毅都尉各一人主之第七隊白質鍪甲白弓箭左右武衛折
衝都尉各一人主之第八隊白質鍪鎧白刀楯攢果毅都尉各一
人主之第九隊黃質鍪甲黃弓箭左右驍衛折衝都尉各一人主

之第十隊黃質鍔鎧黃刀楯攢果毅都尉各一人主之第十一隊
黃質鍔甲黃弓箭左右衛折衝都尉各一人主之第十二隊黃質
鍔鎧黃刀楯攢果毅都尉各一人主之次後第一隊黃質鍔鎧黃
刀楯攢左右衛折衝都尉各一人主之至第十二隊與前同次左
右金吾衛辟邪旗隊折衝都尉各一人檢校又有清游隊朱雀隊
立武隊清游隊建白澤旗二各一人執帶橫刀二人引二人夾皆
帶弓箭橫刀左右金吾衛折衝都尉各一人帶弓箭橫刀各領四
十人皆帶橫刀二十人持稍四人持弩十六人帶弓箭朱雀隊建
朱雀旗一人執引夾皆二人金吾衛折衝都尉一人主之領四十
人二十人持稍四人持弩十六人帶弓箭又二人持爆稍皆佩橫
刀爆稍以黃金塗末龍旗十二執者戎服大袍副竿二各一人執
戎服大袍分左右果毅都尉各一人主之大將軍各一人檢校二

隊立武隊建立武旗一人執二人引二人夾平巾幘黑襖黑袂大口袴左右金吾衛折衝都尉各一人主之各領五十人持稍二十五人持弩五人帶弓箭二十人又二人持爆稍諸衛挾門隊長槍隊與諸隊相閒朝日殿上設黼展躡席熏爐香案御史大夫領屬官至殿西廡從官朱衣傳呼促百官就班文武列于兩觀監察御史二人立于東西朝堂輒道以涖之平明傳點畢內門開監察御史領百官入夾階監門校尉二人執門籍曰唱籍既視籍曰在入畢而止次門亦如之序班于通乾觀象門南武班居文班之次入宣政門文班自東門而入武班自西門而入至閣門亦如之夾階校尉十人同唱入畢而止宰相兩省官對班于香案前百官班于殿庭左右巡使二人分隸于鍾鼓樓下先一品班次二品班次三品班次四品班次五品班每班尙書省官爲首武班供奉者立

于橫街之北次千牛中郎將次千牛將軍次過狀中郎將一人次
 接狀中郎將一人次押柱中郎將一人次押柱中郎一人次排階
 中郎將一人次押散手仗中郎將一人次左右金吾衛大將軍凡
 殿中省監少監尙衣尙舍尙輦奉御分左右隨繖扇而立東宮官
 居上臺官之次王府官又次之唯三太三少賓客庶子王傅隨本
 品侍中奏外辦皇帝步出西序門索扇扇合皇帝升御座扇開左
 右留扇各三左右金吾將軍一人奏左右廂內外平安通事舍人
 贊宰相兩省官再拜升殿內謁者承旨喚仗左右羽林軍勘以木
 契自東西閣而入內侍省五品以上一人引之左右衛大將軍將
 軍各一人押之二十人以下入則不帶仗三十人入則左右廂監
 門各二人千牛備身各四人三衛各八人金吾一人百人入則左
 右廂監門各六人千牛備身各四人三衛三十三人金吾七人二

百人則增以左右武衛威衛領軍衛金吾衛翊衛等凡仗入則左右廂加一人監捉永巷御刀弓箭及三衛帶刀入則曰仗入三衛不帶刀而入則曰監引入朝罷皇帝步入東序門然後放仗內外仗隊七刻乃下常參輟朝日六刻卽下宴蕃客日隊下復立半仗于兩廊朔望受朝及蕃客辭見加纛稍隊儀仗減半凡千牛仗立則全仗立太陽虧昏塵大霧則內外諸門皆立仗泥雨則延三刻傳點駕大駕鹵簿天子將出前二日太樂令設宮縣之樂千庭晝漏上五刻駕發前發七刻擊一鼓爲一嚴前五刻擊二鼓爲再嚴侍中版奏請中嚴有司陳鹵簿前二刻擊三鼓爲三嚴諸衛各督其隊與鉞戟以次入陳殿庭通事舍人引羣官立朝堂侍中中書令以下奉迎于西階侍中負寶乘黃令進路于太極殿西階南向千牛將軍一人執長刀立路前北向黃門侍郎一人立侍臣之前

贊者二人既外辦太僕卿攝衣而升正立執轡天子乘輿以出降
白西階曲直華蓋警蹕侍衛千牛將軍前執轡天子升路太僕卿
授綬侍中中書令以下夾侍黃門侍郎前奏請發鑾駕動警蹕鼓
傳音黃門侍郎與贊者夾引而出千牛將軍夾路而趨駕出承天
門侍郎乘馬奏駕少留敕侍臣乘馬侍中前承制退稱制曰可黃
門侍郎退稱侍臣乘馬贊者承傳侍臣皆乘侍衛之官各督其屬
左右翊駕在黃麾內符寶郎奉六寶與殿中後部從在黃鉞內侍
中中書令以下夾侍路前贊者在供奉官內侍臣乘畢侍郎奏請
車右升侍中前承制退稱制曰可侍郎復位千牛將軍升侍郎奏
請發萬年縣令先導次京兆牧太常卿司徒御史大夫兵部尚書
皆乘路鹵簿如本品次清游隊次左右金吾衛大將軍各一人帶
刀箭橫刀檢校龍旗以前朱雀等隊各二人持褱稍騎夾次左右

金吾衛果毅都尉各一人帶刀箭橫刀領夾道鐵甲伏飛次虞候
伏飛四十八騎平巾幘緋裯襠大口袴帶弓箭橫刀夾道分左右
以屬黃麾仗次外鐵甲伏飛二十四人帶弓箭橫刀甲騎具裝分
左右廂皆六重以屬步甲隊次朱雀隊次指南車記里鼓車白鷺
車鸞旗車辟惡車皮軒車皆四馬有正道匠一人駕士十四人皆
平巾幘大口袴緋衫太卜令一人居辟惡車服如伏飛執弓箭左
金吾衛隊正一人居皮軒車服平巾幘緋裯襠銀裝儀刀紫黃綬
紛執弩次引駕十二重重二人皆騎帶橫刀白皮軒車後屬于細
仗前稍弓箭相閒左右金吾衛果毅都尉各一人主之次鼓吹次
黃麾仗一執者武弁朱衣革帶二人夾次殿中侍御史二人導次
太史監一人書令史一人騎引相風行漏輦次相風輦正道匠一
人輦士八人服如正道匠次撾鼓金鉦司辰典事匠各一人刻漏

生四人分左右次行漏生正道匠一人轝士十四人次持鋌前隊
次御馬二十四分左右各一人馭次尙乘奉御二人書令史二人
騎從次左青龍右白虎旗執者一人服如正道匠引夾各二人皆
騎次左右衛果毅都尉各一人各領二十五騎二十人執稍四人
持弩一人帶弓箭行儀刀仗前次通事舍人四人在左四人在右
侍御史一人在左一人在右御史中丞一人在左一人在右左拾
遺一人在左右拾遺一人在右左補闕一人在左右補闕一人在
右起居郎一人在左起居舍人一人在右諫議大夫一人在左一
人在右給事中二人在左中書舍人二人在右黃門侍郎二人在
左中書侍郎二人在右左散騎常侍一人在左右散騎常侍一人
在右侍中二人在左中書令二人在右通事舍人以下皆一人從
次香蹬一有衣繡以黃龍執者四人服如折衝都尉次左右衛將